

# Tremendo boxeo na Mariniers Kazerne



ORANJESTAD(AAN)-- Diasabranochi a tuma lugar un programa di boxeo amateur na Savaneta Kamp, organiza pa Mariniers Kazerne bao auspicio di organisacion di boxeo di Aruba.


Maestro di ceremonia tabata sr. Willem van de Sande cu a haci un tremendo trabao.

A cuminza cu e programa cu tocamento di himno di Hulanda y Aruba y despues a presenta e Reina di Mariniers

Kazerne srta. Henriquez.

Srta Henriquez a percura e anochi ey pa presenta cu e borchchi riba ring pa indica e publico cual rond nan ta tumando lugar.

Dokter di ring tabata sr. Kruijer cu kende no tabata tin



mucha trabao pa traha cu e box-donan.

Promer cu e programa di boxeo tabata tin demostracion di Teakwondo unda cu sr. Lo A Njoe a duna splicacion di e arte di e deporte aki.

Despues cu sr. Lo A Njoe a duna su splicacion, su almunonan a duna un exhibicion unda na final tur e ricibi un medalla.

E promer pelea tabata entre Bergen y van der Ven den peso pisa, unda cu Bergen a gana e pelea pa punto.

E di dos pelea tabata entre van der Burg y Jansen unda cu Jansen a bin gana e pelea tambe pa punto.

Den e di tercer pelea tabata tin accion entre Erwin Kok y Ron Seitzinger.

Seitzinger a gana e pelea unda

cu e referee mester a para e combate debi e contricante di Seitzinger a ser herida.

E pelea entre Seitzinger y Ron Heyliger, e ultimo aki esta Heyliger a gana pa knock out ya cu Seitzinger a bay dos biaha lona den e promer rond.

E rumannan Wester a duna un exhibicion di boxeo, unda cu ambos a demostra e technica di boxeo riba ring.

Despues cu nan a caba di duna exhibicion, nan a ricibi un fuerte aplauso di e publico.

Por ultimo tabata tin un otro exhibicion entre Jeffrey Nedd y Klaas Wit unda cu ambos boxdo a bay cuatro rond pa e pelea.

Organisacion di e programa di boxeo di gala ta gradici Beep Beep restaurant pa nan tremendo catering cu nan a ofrece.